

**BOGGA KOBNIIN
SHARCI**

SHARCI L. 36, Tr. 30 Abril 1975.
Sharci ku saabsan Afdubidda.

**GUDDOONSHAHA
GOLAHA SAREE EE KACAANKA**

ISAGOO ARKAY Xaashidii Koowaad iyo tii Labaad ee Kacaanka;

ISAGOO ARKAY In tahay lagama maarmaan in la soo saaro Sharci ku saabsan Afdubidda;

ISAGOO TIXGELINAYA Taladii uu soo jeediyey Xoghayaha Dawladda ee Wasaaradda Garsoorka iyo Arrimaha Diinta,

ISAGOO TIXGELINAYA Go' aankii Golaha Sare ee Kacaanka iyo kan Xoghayayaasha Dawladda;

WUXUU SOO SAARAYAA

Sharciga hoos ku qoran:

Qodobka 1aad

Afdubid

1. Qof kasta oo ku afdubay Waddanka gudihiisa ama dibeddaba qof, dayuurad ama gaadiid kale isagoo doo naya in la siiyo lacag ama xoolo ama uu siyaasad haan uga faa'iideysto taaso ka soo horjeeda maslaxadda guud ee Qaranka Soomaaliyeed, nabadgelyada iyo siyaasadda Kacaanka Soomaaliyeed, waxaa lagu cigaabyaa dil.

2. Dadka kale ee ku lug leh dembigaas abaabulkiisa ayagana waxaa lagu cigaabayaa sida lagu sheegay qaybta 1aad ee qodobkaan.

Qodobka 2aad

Ka reebid

Dhaqan gelid

Haddii dembigaas uusan ka soo horjeedin danaba guud, xurriyadda, midnimada iyo siyaasadda guud ee Qaranka, Golaha Sare ee Kacaanka iyo Golaha Xoghayasha Dawladda ayaa go'aan ka gaadhi doona wixii laga yeeli labaa dadkii galay dembigaas.

Qodobka 3aad

Dembi qarín

Qof kasta oo ka war hela abaabulka dembiga lagu sheegay qodobka 1aad oo aan soo ogeysiin Ciidamada Nabadgeliyada ee ku shuqul leh, waxaa lagu ciqaabayaa xarig 20 sano ilaa 30 sano, wixii hanti ah ee u leeyahayna Dawladda la wareegeysa.

Qodobka 4aad

Dembi dhaafid

Qof kasta oo ka qayb gala abaabulka dembigaas haddii uu soo sheego intii uusan dambigu dhicin, wax dembi ah ee lagu qaadayo ma jiro.

Qodobka 5aad

La wareegid

Wax allaale wixii ey weydiisteen oo ey heleen dadka galay dembiga lagu caddeeyey qodobka 1aad wixii hanti ah oo ey ku leeyihiin Waddanka gudihisa ama dibeddaba waxaa la wareegeya Dawladda Soomaaliyeed.

Qodobka 6aad

Awood

Maxkamadda Badbaadada Ummadda ayaa awood u leh inay qaado dembiga lagu caddeeyey Sharcigaan.

Qodobka 7aad

Qaadista dacwadda

Qofka ku xadgudba Sharciga waxaa dacwad lagu qaadi karaa isagoo maqan.

Qodobka 8aad

Tirtir

Waxaa la tirtiray qodobka 486 ee Xeerka Ciqaabta.

Qodobka 9aad

Dhaqan gelid

Sharcigaan si degdeg ah buu u dhaqan gelayaa, waxaana lagu soo saari doonaa Faafinta Rasmiga ah ee Dawladda.

Muqdisho, 30 Abril 1975.

MADAXWEYNAHA
GOLAHA SARE EE KACAANKA
Jaalle S. Gaas Maxamed Siyaad Barre